

دائرة مخصوصه

درسعادتده باب على جوارنده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوحيه
قبول اور انور

درج ابدلته بن آثار اعاده اور انور

دينه، فلسفه، علوم، حقوق، ادبيات، سياسيات، وبالخاصه كرك سياسى و كرك اجتماعى و مدنى احوال و مشورده اسلاميه و دينى ايدى و هفته ده بر نشر اور انور.

آبونه بدلى

سنه لكى

التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
سائر ممالك اجنبيه	»	۱۷	۹	قراىق

صاحب و مؤسسى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قيرله دن مقوا بورو ايله كوندريلىرسه سنوى
۲۰ غروش فضله آلير

عدد : ۷۳

۱۵ مجرم ۳۲۸ پنجشنبه ۱۴ كانون ثانى ۳۲۵

اوچنچى جلد

عراقیلر بیننده شواختلاف یوق دکل ؛ فقط هپسنگ مذهب حنفیده اجتماع ایتهلرینه مانع اوله یور .

بو حلاله اولجه عرض ایدیلدیکی وجهله بالعموم فقهاء و مجتهدین ایکی مرکزه منسوب اولیورلرکه : عراق مکتب فقهیسی ، حجاز مکتب فقهیسی در .

برنجی مکتبه منسوب اولان مذاهب مشهوره : مذهب حنفی ، مذهب اعمشی ، مذهب شعبی ، مذهب حسن بصری ، مذهب مزنی ، مذهب امامی ، مذهب زیدی ، مذهب اباضی . . .

ایککنجی مکتبه منسوب اولانلر : مذهب مالکی ، مذهب شافعی مذهب حنبلی ، مذهب راهویه وی ، مذهب خزیمی . . .

شهره سزدرکه مذاهبک شوصورتله تصنیفی فروعات وقواعد فقهیه جه اتحاد ایدرک «عراقی» و «حجازی» اولق اوزره ایکی تشکیل ایتهلری اعتباریه دکلدر . بلکه بتون شو مذاهبک روحنی تشکیل ایدن ایکی اصول اجتهاد مشهور اولیور ، که مذاهب طبعیتلریله یک دیگرندن آیریلهرق ایکی سلسله ، ارئه ایتهلرینه سببیت ویریور .

عراقیلر کندی اصول اربعه لری دأر دسند احکام شرعیه نکل استخراج واستنباطی ایچون بذل مساعی ؛ فقه اسلامک توسیع وتأسیسه سعی وغیرت ایدیورلردی . بوضورتله مکمل برفقه میدان کلدی . اشته عراقیلرجه اجتهاد :

«توسیع احکام وتأسیس فقه اسلام ایچوره قانونه مخصوص دأر دسند اولر اربعه دسند استمداد ایتکلدر .»

حجازیلر استخراج واستنباط احکام ایتکلدن زیاده ، احکام جلیله موجوده بی اصول خمسیه تطبیق ایتکلک صرف مساعی ایدیورلردی . اشته بوتطبیقات ایکی بوجق عصره قریب اوزون برزمان طرفنده . . . نهایت امام احمد بن حنبل حضرتلرینک سعی مدید فوق العاده لریله ختامه ایردی . بناء علیه حجازیلرجه اجتهاد :

احکام شرعیه ، فروعات فقهیه نکل اصول خمسیه تطبیق وتوفیقی ایچوره قوانین مخصوصه دأر دسند تبعات رجعیله برلنم ده عبارتدر . کورولیور ، که ایکی مکتبک روح واساسلرینی تشکیل ایدن اوایکی اجتهاد ، مفهومه حقیقتجه یک دیگرلرینه مایندرلر . علت غائیله لرندده مایات یوق دکل : بریس تأسیس وتوسیع احکام ایچون ، اوته کیسی احکامک عندالشرع معتبر ومعتد بها اولماسی ایچون اجتهاد ایدیور . اشته بومکتبلر آراسنده اولان بتون آچیقلاق هر ایکی طرفه مخصوص یک دیگرینه مقابل ایکی نوع اجتهادک قبول اولنم سی نقطه سنه رجوع ایدر . بو ایکی مکتب آراسنده اولان مختلفات ده تبعات رجعیله نتیجه سنده مظهر قبول اولیان ویاخود باشقه بر صورتله تظاهر ایدن مساندن عبارت اولیور . حتی اکثریت اوزره حنبلیلر ایله شافعیلر ومالکیلرک بینلرنده وقوعه کلن اختلافات ده شو قییلدن در .

اوت ، بو آچیقلاقک عرض ایتدیکمز کی ایکی نوع اجتهاده رجوع ایتمه سی بوایکی سلسله نکل ، بو ایکی مکتبک ابتدای تأسسلرنده - مثلاً دور مالکیده - مبهمیته خیلی بوغولمش ، ماهتابده برکولکه

کی خفی بر حلاله کوریلدیوردی . فقط دور شافعیده بو ابهام بوخفا خیلی آزالدی . دور حنبلیده ایسه تماماً زائل اولمش ایدی . چونکه بو طریق ، سلسله حجازیه تأسس ایتدیکی کی قالمادی ؛ ترقی ، تکامله طوغرو یورودی . بالتدریج ایله رایهرک دور حنبلیده منتها سنه واصل اولمشیدی . اشته بوزمان اراده اولان آچیقلاقک هانکی نقطه سنه نشئت ایتش اولدینی بتون وضوحیله میدان علنیه چیقمش ایدی . بتون بونلره رغماً حقیقت حال نظر ملاحظیه آلینیرسه ایکی مکتب اره سنده اولان آچیقلاقک یک ظاهری ، یک صوری برشی اولدینی آکلاشلیور . زیر بو آچیقلاق وسائط ، اصول ، مسلکک بیننده اولان براختلافدن عبارت اولوب نتیجه اعتباریه هپسی متحد برضایه املده ، نقطه واحده ده برلشیرلر . اوت ، یوللر باشقه ، فقط هدف واحد . بریس تأسیس وتوسیع احکام ایچون جالیشیور ، اوته کیسی او احکامک شرعاً معتد بها اولوب اولمادینی میدان قویق ایچون تبعات رجعیله طریقیه نظر تقشیش ومعیینه دن کچیریور . مکتبلر آراسنده آچیققانی موجب ایریلقلر اشته بوقدر جق برشیدن عبارتدر . اراده باشقه هیچ برشی بوقدر .

قزانی حلیم ثابت

[صوکی وار]

نظم اشعار

مفنده ریفتور هرغونک بر مطالعه سی

نظم اشعار ؛ تفکر ، الهام دنیلن ایکی حالت عقلیه نتیجه سیدر . تفکر برملکه ، بر قدرت ؛ الهام موهبه مخصوصه فطرتدر . انسانلرک کافه سی بدرجه یه قدر خاصه تفکره مالک اوله بیلیرلر ، فقط یک از کیمسه لر نصیبه دار الهامدر .

تفکرده عقل اجرای تأثیر ایدر ، الهامده مطاوعت . زیرا بری انسانک ذاتنده رونما ، دیگرکی موهبه عالم بالادر . بزه بوقوتی بخش ایدن ، بزدن دها قوتلیدر . عقلک بوایکی خاصه سی شاعرک قلمبنده یکدیگرینه صورت قویه ده مربوط اولدینی حلاله متجلی در .

بعض اصحاب وجد و حالک عبادات وطاعات ایله جلب استغراق ایللری قییلندن اولهرق ، شاعرده تفکریه الهامی دعوت ایدر .

بری دلارای نظمک رفع نقاب احتجاب ایتسی ، شاعرک سکون ، سکوت و جمعیت خاطرله موجودیت مادیه سندن تجرد ایتسنه وابسته اولدینی کی ، بر عالم نوین دیگر صورتنده تجلی ایدن بو عالم داخلیدن تمامیه مستفید اولنم سی ده عالم خارجیه قطع علاقه ایتسنه متوقفدر . عالم مادی نه زمان شاعرک نظرندن نهان اولورسه ، عالم فکر و خیال اوزمان پیرایه ساز ساحه بروز اولور . شعرایه خاص اولان تأثرو هیجان طبعیت عامه نکل فوقنده برعلویت مبعجله بی حائزدر .

قلب اول باول ، حیاتک ایجاباتندن اولان مشاغل سفلیه دن تصفیه ایدلمدکجه سنوحت ایچون امکان متصور دکلدر . زیرا فکر ، اوزرنده کی بارعلاقنی آتمه دن عالم بالایه پرکشای اعتلا اوله مان . تاریخلری رموز

وسر ائره مشحون اولان قوم یهود معبدلرینک حین انشاسنده، سمان نورالهی نازل اولسون دیه آتش یاقارلر ایدی .

آثار ادبیه نك بونقطه نظر دن تدقیق و محاکمه سیله الفت ایدلش اولیدی ، احتمال که انتقاد بر شکل نوین اخذ ایدردی . نوع تفکر اتی تعیین ، حقیقی بر شاعرک یداختیارنده ایسه ده ماهیت الهاماتی تعیین قطعاً دائرة اقتداری داخلنده دکلدر .

شاعر علی الاکثر مکسوب دکل ، موهوب اولان دهاسنک حکمنه تابیدر . انسان شاعر اولمق حیثیته سویلدیکی برسوزنه انسان اولمق اعتباریله بعضکره بیکانه قالیر . بوسوز وهله اولی ده غریب کورینور ، فقط بلکده طوغریدر !

نه موطنی اوکیسه یه که دهاء دیمک اولان بویکی قدرتی ذاتنده جمع ایتش اوله . بویله بر آدم هانکی عصرده ، هانکی مملکتده اولورسه اولسون ، ایستر فلاکت عائله ایچنده ، ایستر اختلال زماننده - یاخود بونلرک هپسندن زیاده تأسفه شایان اولمق اوزره - بر دور لاقیدی وقدر ناشناسیده ظهور ایتش بولونسون ، استقبالنن امین اولمیدر . چونکه وقت مرهوننده ظهوری محقق اولان کزیدکان فطرتنددر . حال یشقه لرینک ایسه استقبال مطلقاً اونمکدر . اوزمان ، ارکچ حلول ایدر . اوفطرت بر کزیده ده ، افکارتنن غذاچین ، الهاماتیه ریان اولدینی حالده شاعرک : ای معشر ناس ! ایشته بنم خاورم ، اورایه نصب نکه اعتبار ایدک ! مضمون علویت مکنوتی متضمن اولان سوزینی صوت بلندایله تکرار ایدرک اوجم غفیرک ایچنده اثبات وجود ایدر .

فرید

معهود تاریخ اسلامیه دائر

صراط مستقیم اداره خانه سه :

افندم ، حبشیات دینی می تحریک ایدن دو قنور (دوزی) نك تألیف ایدوب « عبده جودت » نامنده برینک ترجمه ایتدیکی (تاریخ اسلامیت) نام اثرک بر ردیه اولان احتیاجی درپیش تأمل ایدرک علمای کرامه خطاباً بوجه آتی برقچ سوز قارالدم . موافق ایسه صحایف جریده کزله نشری متوقف رأی عالیبردر . ۶ کانون ثانی ، ۳۲۵

علماء ومورخین اسلامیه

مخوف ، هولناک رؤیا ایله ممزوج بر اویقونک صباح هیجاننده بولونیورم . بوتون مفکرات مدرکه می طویلایور ، تعقل و تصور ایدیورمه ؛ کوردیکم بر رؤیا دکل ، بلکه بر حقیقت ، بر حقیقت مدهشه ، نهوت ! بر حقیقت مدهشه وهول انکیزکه ؛ (۳۰۰) میلیونلک کتله معظمه اسلامیتک مبنای اساسینی ، معتقدات قدسیه دینه سنک ارکان اصلیه سنی تا تمندن خراب و برباد ایدیور . صوکره بوکا قارشیده بوتون بوجاعت کثیرنک استنادگاه حیاتیه لری ، محافظ معنویتلری اولان علماء و مورخین اسلامیه ده سکوت ایله وقت کچیشدیریورلر .

افسوس ، صد هزار افسوس ! که بر طرفدن ۱۳۰۰ کسور

سنه لک بر بنای متین اعتقاده بالطه لار اورولورکن ، دیکر طرفدن بو تحریبات وجدانسوز قارشى اختیار سکوت ایله بن علمای کرام و بالخاصه علوم مدونه حاضره یی دینک مزایای علویه سیله توحید اقتدارنده بولنان او فحول اسلامه ، که اولنر بوکون قارشیلرنده النده کی کسکین بالطه سیله قطعاً ره عزمنده مانع لر تصور ایتکسزین ییقوب ، صاووران بر دو قنور (دوزی) یه قارشى مدافعه لزوم عاجلی حس ایتمیورلر .

دور استبداده بولونمش اولسه ایدک ، احتمالکه بویکی مدافعاتک عدم سربستی مطبوعات دولایسیله قابل اولامیه جفنی بیان اعتدارده سرد ایده بیلرلردی . عجباً شیمدی نه معذرت کوستره بیلرلر ؟

شیمدی اوله واسع بر ساحه ، بر ساحه مناقشه و مباحثه مالکز که علم و عرفانندن ، ملیت و دیاتی ، محافظه خصوصنده رهبرک ایتکدن استنکاف ایدن مقتدرین مدخوللر صره سه قید ایدیه بیلر .

(دوزی) نك تتبعات تاریخیه سندن بر قسمی (تاریخ اسلامیت) نامی تحتنده تدوین ایتدیکنی کورن هر متحرى حقیقت قابنده بر حس جستجو پیدا اولویور . عجباً اجنبیلرک اسلاملر حقنده کی تدقیقات تاریخیه لرله ، بزمکیلر آراسنده نه فرق وار ؟ دیور .

نهایت بو آرزویه تابع اولوبده اوتاریخی اوقویانلر کوزویورلرکه ؛ اجدادیمزک قرن حاضره قدر بزه قیمتدار بر هدیه معنویه اولمق اوزره اتحاف ایله دکاری ره مستقیم دیانت پارچه لانیور ، تملندن صارصیلیور . اکر قاره ، اعتقاد تامه یه مالک وبالنسبه ده تاریخه واقف ایسه اونک عنسندن بو روایات و اقوال پک اوقدر تأثیر ایده میور . یا معاذ الله ! بوخصیصه دن محروم ایسه بدن بره فریفته فکر اجانب اوله رق طوتا کلدیکی طریق حقیقت اتمای دیاتی صالیوریور ، ده طوغریبی نظرنده بر حقیقت صورتنده تجلی ایدن او اقوال مورخی احکام قدسیه اسلامیه نك هر برینک مفسوخیتی ، اصلنزلغنی اثبات ضمنتده برر دلیل وشاهد مقامنده ایراد ایدیور .

ای علماء و مورخین اسلامیه ! مقصد جلیلکز ملت اسلامیه یی بویله کوزلریکز قارشوسنده عمان بی پایان رفضیته سوروکلنمش کورمک دکلدر ، دکلکی ؟

سز بوکون راهبر اصحاب دین و ایمان طانیلدقچه هر فردک سزدن برحق استیضاحی اولدینی کی بنده اولمقنن بالاستفاده سزدن صمیانه استرحام ایدیورمه ؛ (۸۰۰) صحیفه یی متجاوز اولان اوتاریخه بلکه (۱۸۰۰) صحیفه لک بر جواب ، وثائقه مبتنی ، اعتماد شایان دلائل ایله موشح و مزین بر جواب شافی ویرلسونده اوزمان شیمدی یه قدر احکام متینه اساسیه سیله پایدار اولان بو دین جلیل اسلامک نام بلندی بوتون اجانبه وحتی بویکی خصوصاتده اجانبه تبعیت ضعف حسیله متحسس اولانلرده امداد ایدلش اولسون .

الا ، بوسکوتکیز نظر السیده وانظار مسلمینده الی یوم القیامه باعث شین و حجالت اوله جقدر .

سلانیک : اوده مثلی

م . رفیق